





ԱՊՐԻԼԻ 7-ԻՆ, ՇԱՐԱԹ, «Աւետումն Ս. Աստուածածնի»: Մայր Տաճարում պատարագեց հոգեշնորհ Տ. Գրիգոր արեղա Եղիայանը:



ԱՊՐԻԼԻ 8-ԻՆ- ԿԻՐԱԿԻ, «ԳԱԼՍՏՅԱՆ»: Մայր Տաճարում պատարագեց Հոգեշնորհ Տ. Գրիգոր արեղա Եղիայանը, քարոզեց արժանապատիվ Տ. Հովհաննես քահանա Մարուքյանը, քնարան ունենալով «Զի այնպէս սիրեաց Աստուած զաշխարհ, մինչև զՈրդին իւր Միածին ետ, զի ամենայն, որ հաւատայ ի նա, մի կորիցէ, այլ զիեանս յաւիտենականս րեկայցի»:

Սուրբ պատարագին ներկա էր Վեհափառ Հայրապետը:



ԱՊՐԻԼԻ 12-ԻՆ, ՀԻՆԳՇԱՐԹԻ, Հոգևոր Ճեմարանի հանդիսարահում, Մայր Աթոռի միաբանության, ուսանողության և աշխատողների համար շահեկան դասախոսություն սովեց պրոֆեսոր Ծաղարյանը՝ սրտի արտոնների վիրահատության մասին: Հարգելի պրոֆեսորի հետաքրքրական դասախոսությունը լավեց մեծ ուշադրությամբ և զուհունակությամբ:

Դասախոսությունից հետո ցուցադրվեց սրտի վիրահատության վերաբերյալ հատուկ կինոժապավեն: Ապա հարգելի դասախոսը պատասխանեց ներկաների հարցերին:



ԱՊՐԻԼԻ 15-ԻՆ, ԿԻՐԱԿԻ, «ԾԱՂԿԱԶԱՐԳ»: Մայր Տաճարում պատարագեց և քարոզեց Վրաստանի հայոց առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը, քնարան ունենալով «նստեալ ի յէջ և յաւանակ, կրկին ազանց զոլ սրինակ» շարականի տողերը:

Սուրբ պատարագին ներկա էր Վեհափառ Հայրապետը:



ԱՊՐԻԼԻ 19-ԻՆ, ԱՎԱԳ ՀԻՆԳՇԱՐԹԻ, «Յիշատակ ընթրեաց Տեառն մերոյ Յիսուսի Քրիստոսի»: Մայր Տաճարում պատարագեց հոգեշնորհ Տ. ներսես արեղա Պողոսյանը:

Հոգևոր Ճեմարանի ուսանողությունը, առավոտյան ժամերգությունից հետո, խոստովանվեց և հաղորդվեց:

Երեկոյան Ուտնայվայի կարգը կատարեց Մայր Տաճարի յուսարարապետ գերաշնորհ Տ. Մահակ արքեպիսկոպոս Տեր-Հովհաննիսյանը:

Արարողության ներկա էր Վեհափառ Հայրապետը:

Գիշերվա ժամը 8-ին Մայր Տաճարում սկսվեց հսկումի ժամերգությունը: Քարոզը խոսեց գերաշնորհ Տ. Հայկազուն արքեպիսկոպոս Արրահամյանը՝ «Միտ իմ սասանի, սարսափ զիս ունի, վասն Յուզայի» քնարանով:

Արարողության ներկա էր Վեհափառ Հայրապետը:



ԱՊՐԻԼԻ 21-ԻՆ, ԱՎԱԳ ՇԱՐԱԹ, «Ծրագայոց Զատիկ»: Երեկոյան ժամը 5-ին սկսվեց ժամերգությունը և ապա սուրբ պատարագը: Պատարագին էր գերաշնորհ Տ. Հայկազուն արքեպիսկոպոս Արրահամյանը:

Սուրբ պատարագին ներկա էր Վեհափառ Հայրապետը, որը նախագահեց նաև Զատիկի նախատոնակի հանդիսությանը:

Հավարտ սուրբ պատարագի, Վեհափառ Հայրապետը, եկեղեցական թափորով, «Քրիստոս յարեալ ի մեռելոց» Հարության շարականի երգեցողությամբ, առաջնորդվեց Վեհարան:



ԱՊՐԻԼԻ 23-ԻՆ, ԵՐԿՈՒՇԱՐԹԻ, «Յիշատակ մեռելոց»: Մայր Տաճարում պատարագեց հոգեշնորհ Տ. Հարություն վարդապետ Մատենցյանը: Հավարտ սուրբ պատարագի, Հոգեհանգստյան պաշտոն կատարվեց «վասն համօրէն նջելոց»:



ԱՊՐԻԼԻ 24-ԻՆ, ԵՐԿՈՒՇԱՐԹԻ, Հոգևոր Ճեմարանի վերատեսուչ գերաշնորհ Տ. Հայկազուն արքեպիսկոպոս Արրահամյանը, ընկերակցելով ժամը քարեշնորհ Անաստաս սարկավազ Մովսիսյանի և տիրացու Կարպիս Մերայգարյանի, մեկնեց Քարու, հայոց եկեղեցում նախագահելու համար հին տոմարով Զատիկի տոնակատարությունը:

